

BOSNA I HERCEGOVINA  
FEDERACIJA BOSNE I HERCEGOVINE  
KANTONALANO TUŽILAŠTVO-TUŽITELJSTVO  
ZENIČKO-DOBOJSKOG KANTONA

Broj: T04 0 KT 0055311 23  
Zenica, 12.04.2024. godine

KANTONALNI SUD U ZENICI  
Sudiji za prethodno saslušanje  
ZENICA

Na osnovu člana 45. stav 1.2. tačka i.) i člana 241. stav 1. ZKP-a FBiH, podižem

O P T U Ž N I C U

Protiv:

1.HUSANOVIĆ HARISA, zvani „Brajin“ rođen 1991. godine u Zavidovićima, osuđivan 2017. godine zbog krivičnog djela krađe iz člana 286. stav 2. u vezi sa članom 31. KZ F BiH, nalazio se u pritvoru po rješenju Kantonalnog suda u Zenici od 09.10.2023. godine od 07.10.2023. godine do 07.11.2023. godine,

2.MUHAREMOVIĆ MUHAREMA, zvani „Muki“ rođen 2000. godine u Zenici, , neosuđivan, nalazio se u pritvoru po rješenju Kantonalnog suda u Zenici od 09.10.2023. godine od 07.10.2023. godine do 07.11.2023. godine,

što su,

dana 07.10.2023. godine oko 02,00 sati, u Zavidovićima, u ugostiteljskom objektu „...“, vlasništvo V. D., koji se nalazi u ulici ..., Husanović Haris vršio nasilje i ugrozio građanski mir A. E., na način da je dok su stajali za stolom u društvu Muharemović Muharema, M. E., H. A. i S. A., nakon kraće verbalne rasprave A. E. zadao više puta šakom udarce u predjelu glave, zatim sa stola uzeo staklenu čašu kojom je E. udario u predjelu glave i desnog uha, da bi mu nakon toga zadao još par udaraca šakom u glavu, iako je znao i bio svjestan da tim svojim radnjama vrši nasilje i ugrožava građanski mir A. E. i prisutnih gostiju UO „...“, te da E. može nanijeti lake tjelesne ozljede, što je i htio, te kada je E. napustio objekat Muharemović Muharem ga je nazvao telefonom i rekao mu da stane autom kod pekare, što je E. i učinio, te se vozilom se zaustavio u ulici Zlatnih ljiljana ispred trgovine „...“, gdje je došlo i vozilo marke „Peugeot“ kojim je upravljao Muharemović Muharem a na mjestu suvozača bio Husanović Haris, koji su izašli iz vozila, te nakon kraće rasprave sa E., Muharem rekao Harisu da sjedne u E. vozilo a E. da vozi u mjesto Potklečje a da će ih on pratiti svojim vozilom, te kada ih je E. pitao šta hoće od njega, Muharem mu je rekao „Sad ćemo ti jebat mater“ a Haris „Sad ćeš vidjet šta ćemo“, nakon čega je E. ušao u svoje vozilo i sjeo na mjesto vozača a Haris na mjesto suvozača te naredio E. da vozi u Potklečje, što je iz straha za svoj život E. i učinio, a Muharem ih je slijedio svojim vozilom, da bi u jednom momentu Muharem svirnuo E. da zaustavi vozilo i spusti prozor što je E. i uradio a Muharem je tada rekao Harisu „Vozi ga gore nemoj tamo gdje imaju kamere“, da bi dolaskom do proširenja u blizini zgrade u izgradnji Haris rekao E. da skrene na to proširenje, gdje je E. zaustavio svoje vozilo a i Muharem je zaustavio svoje vozilo ispred E., zatim odmah došao do E., otvorio vrata vozila vozača a istovremeno Haris je E. počeo šakama udarati u predjelu

glave, a Muharem nogama u glavu i tijelo, pri tome su obojica E. prijetili da će ga ubiti, da će ga zaklati, da će ga svaki dan udarati ovako čim ga vide, da bi, s ciljem da sebi pribave protupravnu imovinsku korist, E. u jednom momentu Haris naredio „Vadi pare“ a Muharem „Vadi pare mamu ti jebem“, na šta je E., bojeći se za svoj život i tijelo, rekao da ga puste iz auta da izvadi novčanik zbog čega su ga prestali udarati, a E. je izašao iz auta i iz novčanika izvadio novac u iznosu od oko 600,00 KM u raznim apoenima, koji novac je dao Harisu a sve u cilju da ga prestanu tući, ali kada se sagnuo da ispljune krv iz usta Muharem ga je šakom udario u glavu od kojeg udarca je pao na tlo, da bi ga zatim obojica nogama i rukama udarali u predjelu glave i leđa, prijeteci mu ponovo da će ga ubiti, zaklati, iako su bili svjesni da upotrebom sile i prijetnjom na nečiji život i tijelo oduzimaju tuđu pokretninu čime mogu nanijeti štetu drugom, te da takvim svojim postupanjem mogu teško tjelesno ozlijediti A.E., što su i htjeli, da bi kada su prestali s udaranjem, E. podigli i prislonili uz gepek gdje ga je Muharem uhvatio za vrat i zaprijetio mu da ako prijavi ocu, policiji ili bilo gdje da će ga naći i zaklati a zatim uslikao E. svojim mobilnim telefonom govoreći mu prethodno da se nasmije, te nakon kraćeg razgovora kojom prilikom je Haris novac koji mu je dao E. dao Muharemu, odvezli se Muharemovim autom u pravcu grada, na koji način su pribavili imovinsku korist u iznosu od oko 600,00 KM, a A. E. nanijeli teške tjelesne ozljede u vidu kombinovane rezo zaderno-nagnječne rane u predjelu desne uške i iza desnog uha, natučenja-uboja sa otokom mekih tkiva i krvnim podlivom ispod orbita oba oka izrazitije sa desne strane, natučenja-uboja sa otokom u predjelu unutarne i vanjske strane lijeve nadlaktice, ogrebotine kože u predjelu desnog lakta, ogrebotine kože u predjelu donjeg dijela leđa desno, sa crvenilom kože na leđima, preloma nosnih kostiju bez pomjeranja ulomaka kosti, višekomadnog peloma prednjeg, vanjskog i gornjeg zida gornje-vilične sinusne šupljine desno sa pomjeranjem ulomaka kosti u prostor sinusne šupljine i krvarenjem u sinusnu šupljinu, preloma poda i vanjskog zida desne orbite oka sa manjim pomijeranjem ulomaka kosti i preloma desne jagodične kosti lica sa manjim pomjeranjem ulomaka kosti i istog oštetili za novčani iznos od oko 600,00 KM,

dakle, Husanović Haris nasiljem nad drugim ugrozio njegov građanski mir, a Husanović Haris i Muharemović Muharem upotrijebili silu i prijetnju protiv neke osobe i s umišljajem istog teško tjelesno ozlijedili, s ciljem da od drugog oduzmu tuđu pokretninu da bi sebi pribavili protupravnu imovinsku korist

čime je Husanović Haris počinio krivično djelo nasilničko ponašanje iz člana 362. stav 2. u vezi sa stavom 1. KZ F BiH u sticaju sa krivičnim djelom razbojništvo iz člana 289. stav 2. u vezi sa stavom 1. KZ F BiH u vezi sa članom 31. KZ F BiH, a sve u vezi sa članom 54. KZ F BiH, a Muharemović Muharem počinio krivično djelo razbojništvo iz člana 289. stav 2. u vezi sa stavom 1. KZ F BiH u vezi sa članom 31. KZ F BiH.